

1 сәуір 2025 ж.

FREEDOM HOLDING CORP. ҚАЗАҚСТАНДАҒЫ ӨНДЕУШІ САЛАЛАР БОЙЫНША PMI®

2025 жылдағы өндірістің ең күрт өсуі

1 сәуір 2025 ж.

FREEDOM HOLDING CORP. ҚАЗАҚСТАНДАҒЫ ӨНДЕУШІ САЛАЛАР БОЙЫНША PMI®

Мазмұны

Негізгі тұжырымдар

Шолу

Пікір

Өндіріс пен сұраныс

Жұмыспен қамту және
өндіріс қуаты

Жеткізу тізбегі

Инфляция

Халықаралық PMI

Әдістеме

Қосымша ақпарат

Есеп туралы

Freedom Holding Corp. Қазақстандағы өңдеуші салалар бойынша PMI® өндірістік көрсеткіштерді уақтылы баяндап отырады. Есепте жергілікті өндірушілердің өкілдер панелінен алынған сауалнама негізінде өндіріс, сұраныс, жұмыспен қамту, баға және жеткізу тізбегіндегі айлық өзгерістер қадағаланады.

НЕГІЗГІ ТҰЖЫРЫМДАР

Наурыз 2025

Жаңа тапсырыстардың күрт ұлғаюы есебінен өндірістегі өсім жеделдеді

Сатып алу мен жұмыспен қамтудағы өсім артты

Жеткізу мерзімі 2019 жылдың қараша айынан бері алғаш рет қысқаруда

Freedom Holding Corp.
Қазақстандағы өңдеуші
салалар бойынша PMI
Наурыз 2025

52.7

PMI® өндірістік көрсеткіштерді уақтылы баяндап отырады. Ол жаңа тапсырыстар, өндіріс, жұмыспен қамту, жеткізу мерзімі, сатып алулар қоры бойынша айлық өзгерістерді бақылап отыратын бес қосалқы индекстің орташа мәні. Әр қосалқы индекс 0 мен 100 аралығында және бұл «жоғары» жауаптар пайызының қосындысы мен «өзгермеген» жауаптар пайызының жарты мәні. 50-ден жоғары мән өткен аймен салыстырғанда өсім болғанын, ал 50-ден төмен мән кемуді білдіреді. Индекстер маусымға қарай түзетіліп отырады. PMI сауалнама әдістемесі туралы толық ақпарат алу үшін [мына жерді](#) басыңыз.



2025 ЖЫЛДАҒЫ ӨНДІРІСТІҢ ЕҢ КҮРТ ӨСУІ

Биылғы алғашқы тоқсанның қорытындысы бойынша Қазақстанның өңдеуші өнеркәсібі саласы өсім аймағында қалды.

Бұған қоса, өндірістің, жаңа тапсырыстардың, жұмыспен қамту және сатып алу бойынша өсу қарқыны наурыз айында нығайды, ал бизнестегі сенім тоғыз айлық ең жоғары деңгейге жетті.

Баға тұрғысынан өндірістік шығындар инфляциясы жоғары қалпында қалды, бірақ ақпанға қарағанда баяулады, ал сату бағалары өткен айдағыдай қарқынмен өсті.

Freedom Holding Corp. ұсынған Қазақстанның Өңдеуші өнеркәсіп саласындағы Іскерлік белсенділік индексі (PMI® — Purchasing Managers' Index™ немесе Сатып алу жөніндегі менеджерлер индексі™) ақпандағы 52,1 мәнінен 52,7 мәніне дейін өсті, бұл 2025 жылғы алғашқы тоқсанның соңында өңдеуші өнеркәсіп саласының айтарлықтау сауыққанын көрсетеді. Сонымен қатар операциялық ахуалдың жақсаруы да соңғы уақыттағы ең елеулі көрсеткіш.

Наурыз айының деректері көрсеткендей, клиенттер тарапынан сұраныс артып, жаңа тапсырыстар айтарлықтай өскендіктен компаниялар пайда көрді. Сонымен қатар жаңа тапсырыстар ауқымының өсу қарқыны үш айдағы ең жоғары деңгейге жетті.

Жаңа тапсырыстардың артуы өңдеуші өнеркәсіптегі өндіріс көлемінің он үшінші ай қатарынан өсуіне негізгі фактор болды, сондай ақ, компаниялара да жаңа және

жаңартылған жабдықтар өндіріс әлеуетін арттырғанын атап өтті. Өндіріс көлемі 2025 жылдағы ең жедел өсімді көрсетті.

Жаңа тапсырыстардың ұлғаюы және әлеуеттің артуы алдағы жылы да өндірістің өсуіне қолдау көрсетеді деп болжануда. Бизнестің сенімі үш ай қатарынан нығайып, 2024 жылдың маусым айынан бергі ең жоғары деңгейге жетті және орташа көрсеткіштен жоғары болды.

Өндірушілер өндірістік қажеттіліктерді еңсеру мақсатында штат санын ұлғайтуды жалғастырды. Жұмыспен қамту 13 ай қатарынан өсті және желтоқсан айынан бергі ең жедел қарқында жүрді.

Жұмыс орындарының тұрақты өсуі компанияларға соңғы үш айда аяқталмаған жұмыс көлемін алғаш рет азайтуға көмектесті, бірақ тек мардымсыз көлемде. Кей жағдайларда өндірушілер жаңа тапсырыстарды орындау үшін дайын өнім қорларын пайдаланды. Салдарынан, ақпан айында өсім көрсеткен дайын өнім қорлары наурыз айында сарқыла бастады.


Бір жағынан сатып алу қорлары тоғыз айдан бері алғаш рет өсті, бұл — болашақта пайдалануға арналған қорды қалыптастыру әрекетінің жемісі. Алайда өсім елеусіз деңгейде болды.

Компаниялар жаңа тапсырыстардың ұлғайғанын атап өткендіктен, наурыз айында сатып алудағы белсенділік айтарлықтай өскені байқалды. Өсу қарқыны өткен аймен салыстырғанда сәл артты.

Сонымен қатар тасымалдаушылардың жеткізу мерзімі бес жарым жылдан бері алғаш рет жақсарды, сауалнамаға

Freedom Holding Corp. Қазақстандағы өңдеуші салалар бойынша PMI

Индекс, маус. түзету, >50 = өткен аймен салыстырғанда жақсарған



Дерек 2025 ж. 10-24 Наурыз аралығында жиналған.
Дереккөз: Freedom Holding Corp., S&P Global PMI.
©2025 S&P Global.

қатысушылар ауа райының және логистика жағдайларының жақсарғанын хабарлады. Дегенмен тасымалдаушылар үшін логистика күрделі болып қала берді, ал жеткізу мерзімі елеусіз ғана қысқарды.

Инфляция қарқыны ақпан айымен салыстырғанда баяулағанына қарамастан, өндірушілер өндіріс шығындарының күрт артқанын байқады. Респонденттер жанармай, майлау материалдары, шикізат және коммуналдық қызмет құны өскенін атап өтті.

Өндіріс шығындарының көтерілуі тұтынушылар үшін сату бағасының қымбаттауына алып келді, сөйте тұра инфляция қарқыны өткен айдан бері өзгерген жоқ.

ПІКІР

Ерлан Әбдікәрімов, Freedom Finance Global PLC (Freedom Holding Corp. 100% еншілесі) Қаржылық талдау департаментінің директоры:

“Наурызда Қазақстанның өңдеуші секторына деген сенім қайта артты, PMI соңғы он екі айда төртінші рет ең жоғарғы көрсеткішке жетті. Өндірістегі негізгі факторлардың оң динамикасына қарамастан, нарыққа қатысушылардың сенімі бұрынғысынша өткен жылдың соңындағы деңгейден төмен. Наурыздағы өсудің негізгі драйверлері жаңа тапсырыстардың және ағымдағы


сұраныстың белсенді қалпына келуі болды, бұл кадр санының айтарлықтай артуы, сатып алулар мен өндірістің ұлғаюы және сонымен бір мезгілде дайын өнім қорының анағұрлым қарқынды азаюы. Жеткізу мерзімі бес жарым жыл ішінде алғаш рет пессимистік аймақтан шықты. Ақпанға қатысты біршама әлсірегеніне қарамастан, жоғары инфляциялық қысым өзекті болып отыр: сатып алу бағасының өсу қарқыны соңғы 17 айда екінші рет ең жоғары деңгейде, ал сату бағасының өсу қарқыны соңғы 6 айдағы екінші ең жоғары деңгейде қалып отыр. Нарық қатысушыларының алдағы 12 айға болжамы тым төмен болса да, өсім бар, бұл – салада оптимистік көзқарастың басым екенін көрсетеді.”

Байланысушы тұлға

Ерлан Әбдікәрімов
Freedom Finance Global
PLC, Қаржылық талдау
департаментінің директоры
Yerlan.abdikarimov@ffin.kz
Freedom Holding Corp.

Freedom Holding Corp. Қазақстандағы өңдеуші салалар бойынша PMI

Индекс, маус.түзету, >50 = өткен аймен салыстырғанда жақсарған. Нүктелер = ұзақ-мерзімді орташа мән.



Дереккөз: Freedom Holding Corp., S&P Global PMI. ©2025 S&P Global.




ӨНДІРІС ПЕН СҰРАНЫС

Наурыз айындағы деректер Қазақстандағы өндіріс көлемінің тұрақты және жедел өскенін көрсетті.

Өндіріс 13 ай қатарынан өсті, ал соңғысы 2025 жылдағы ең күрт өсім болды. Сауалнамаға қатысушылар өндіріс көлемінің артуына негізінен жаңа тапсырыстардың ұлғаюы себеп болғанын атап өтті, сонымен қатар жаңа және жаңартылған жабдықтар өндіріс қуатын арттыруға ықпал етті.

Клиенттер тарапынан сұраныстың артуы жаңа тапсырыстардың ұлғаюына жетеледі. Бұл 2024 жылдың ақпан айында басталған өсу тенденциясын жалғастырды. Бұған қоса соңғы өсім елеулі мәнде және желтоқсаннан бергі ең жылдамы болды.

Бизнестегі сенім үшінші ай қатарынан нығайды және өткен жылғы маусым айынан бергі ең жоғары деңгейде болды. Сұраныстың өсуі, жаңа тапсырыстардың көбеюі және өндіріс қуатының артуы алдағы жылы өндіріс көлемін ұлғайтуда маңызды фактор болады деп күтілуде.



Дереккөз: Freedom Holding Corp., S&P Global PMI. ©2025 S&P Global.



Дереккөз: Freedom Holding Corp., S&P Global PMI.
©2025 S&P Global.



Дереккөз: Freedom Holding Corp., S&P Global PMI.
©2025 S&P Global.



ЖҰМЫСПЕН ҚАМТУ ЖӘНЕ ӨНДІРІС ҚУАТЫ

Өндірістегі өсімді ұстап тұру үшін жаңа қызметкерлерді жұмысқа алу наурыз айында штат санын арттыруға жетеледі.

Жұмыс күшінің өсуі он үшінші ай қатарынан жалғасты және осы жылдағы ең жылдам қарқында болды.


Жаңа жұмыс орындарын тұрақты түрде ашу өндірушілерге наурыз айында жұмыстағы жүктемені бақылауға

көмектесті. Аяқталмаған тапсырыстар үш айда ең алғаш рет азайды, алайда сәл ғана.

Жылдың алғашқы тоқсанының соңында дайын өнім қорлары қайта азая бастағаны байқалды. Өндіріс өнімдері соңғы үш айда екінші рет сәл ғана азайды, ал ақпан айында ол баяу өсім көрсеткен еді. Сауалнамаға қатысушылардың атап өтуінше, дайын өнімдер сауда сұранысына сәйкес клиенттерге жөнелтілді.

■ Жұмыспен қамту
■ Орындалмаған жұмыс
■ Қоймадағы дайын тауарлар


Индекс, маус.түзету, >50 = өткен аймен салыстырғанда өскен (айма-ай өскен)



Дереккөз: Freedom Holding Corp., S&P Global PMI. ©2025 S&P Global.

■ Жұмыспен қамту
■ Орындалмаған жұмыс
■ Қоймадағы дайын тауарлар

Индекс, маус.түзету, >50 = өткен аймен салыстырғанда өскен (айма-ай өскен)



Дереккөз: Freedom Holding Corp., S&P Global PMI. ©2025 S&P Global.




ЖЕТКІЗУ ТІЗБЕГІ

Тасымалдаушылардың жеткізу мерзімі наурыз айында қысқарып, 2019 жылдың желтоқсан айынан бері жалғасып келе жатқан ұзақ жеткізу кезеңін аяқтады.


Ақпан айымен салыстырғанда жеткізушілердің қызмет сапасы жақсарғанын, қатысушылар жайлы ауа райы және логистикалық ахуалдың түзелуімен байланыстырды. Алайда, жеткізу мерзімі елеусіз ғана қысқарды, себебі логистикадағы түйткілдер әлі жойылған жоқ.

Наурыз айында тауарға сұраныстың айтарлықтай артуына қарамастан, тасымалдаушылардың көрсеткіштері жақсарғаны аталып өтті. Сатып алу белсенділігі он үш ай қатарынан белсенді өсті және ақпан айымен салыстырғанда әлдеқайда жоғары болды.


Қатысушылар тауар сатып алудың ұлғаюын жаңа тапсырыстардың артуымен байланыстырды. Сонымен қатар болашақта пайдаланылатын тауар қорларын құруға талпынудың нәтижесінде наурыз айында өндіріске қажет қорлар жинақталды. Бұл тоғыз айда байқалған алғашқы, бірақ елеусіз ғана өсім болды.



Дереккөз: Freedom Holding Corp., S&P Global PMI. ©2025 S&P Global.



Дереккөз: Freedom Holding Corp., S&P Global PMI. ©2025 S&P Global.




ИНФЛЯЦИЯ

Ресурс бағасы наурыз айында жоғары қалпында қалды, бірақ инфляция қарқыны өткен сауалнама кезеңімен салыстырғанда сәл баяулады.


Респонденттердің 26%-ы өндіріс шығындарының өсуін жанармай, майлау материалдары, шикізат және коммуналдық қызмет бағасының қымбаттауымен байланыстырады.

Ресурс бағасы қымбаттағандықтан өндірушілер өз өнімдерінің сату бағасын да көтерді. Салдарынан тарифтердің өсу қарқыны ақпан айымен салыстырғанда өзгеріссіз қалды. Ал дайын өнім бағасының инфляция қарқыны орташа деңгейден сәл төмен болды.




Дереккөз: Freedom Holding Corp., S&P Global PMI.
©2025 S&P Global.

■ Ресурс бағасы
■ Дайын өнім бағасы
Индекс, маус.түзету, >50 = өткен аймен салыстырғанда инфляция Нүктелер = ұзақ-мерзімді орташа мән.



Дереккөз: Freedom Holding Corp., S&P Global PMI. ©2025 S&P Global.




ХАЛЫҚАРАЛЫҚ PMI

Өнім өндіру PMI

Индекс, маус. түзету, >50 = өткен аймен салыстырғанда жақсарған


Ақпан 2025



Америка

■ US ■ CA ■ BR ■ MX

Индекс, маус. түзету, >50 = өткен аймен салыстырғанда жақсарған



Дереккөз: S&P Global PMI. ©2025 S&P Global.


Белгі (мәні)

US Құрама Штаттары
CA Канада
BR Бразилия
MX Мексика

Еуропа

■ EZ ■ GB ■ RU ■ TR

Индекс, маус. түзету, >50 = өткен аймен салыстырғанда жақсарған




Дереккөз: S&P Global PMI. ©2025 S&P Global.

EZ Еуроймақ
GB Бірікке Корольдік
RU Ресей
TR Түркия

Азия-Тынық мұхит аймағы

■ CN ■ JP ■ IN ■ ASEAN ■ KR ■ AU

Индекс, маус. түзету, >50 = өткен аймен салыстырғанда жақсарған




Дереккөз: S&P Global PMI. ©2025 S&P Global.

CN Қытайдың ішкі өлкесі
JP Жапония
IN Үндістан
ASEAN - Оңтүстік-шығыс Азия елдерінің ассоциациясы
KR Оңтүстік Корея
AU Аустралия

■ Дамыған елдер■ Дамушы елдер

X осі = PMI, маус.түзету, >50 = өткен аймен салыстырғанда жақсарған Y = алты айлық орташа мәнмен салыстырғанда PMI өзгерген

Ақпан 2025



Дереккөз: S&P Global PMI. ©2025 S&P Global.

Кеңею

Аймақтардағы өсім қарқыны алты айлық кезеңге қарағанда жеделдеді. Алыс оң қапталдағы аймақтар қарқынды өсті, ең жоғарыда тұрған аймақтар анағұрлым жедел өсім көрсетті.

Баяулау

Алты айлық кезеңге қарағанда баяу қарқынмен өсім көрсеткен аймақтар. Алыс оң қапталдағы аймақтар қарқынды өсті, ең төменде тұрған аймақтарды өсім анағұрлым саябырлады.

Қысқару

Алты айлық кезеңге қарағанда жедел қарқынмен қысқарған аймақтар. Алыс сол қапталдағы аймақтарда қысқару қарқынды жүрді, ең төменде тұрған аймақтарды қысқару қарқыны барынша тез болды.

Қалпына келу

Алты айлық кезеңге қарағанда қысқару баяу қарқында жүрген аймақтар. Алыс сол қапталдағы аймақтарда қысқару қарқынды жүрді, жоғарыда тұрған аймақтардағы қысқару қарқыны айтарлықтай саябырлады.

Белгі (мәні)

AT	Австрия	CN	Қытайдың ішкі өлкесі	ES	Испания	ID	Индонезия	JP	Жапония	MX	Мексика	PL	Польша	TR	Түркия
AU	Аустралия	FR	Франция	IE	Ирландия	KR	Оңтүстік Корея	MY	Малайзия	RO	Румыния	TW	Тайвань		
BR	Бразилия	GB	Бірікке Корольдік	IN	Үндістан	KZ	Қазақстан	NL	Нидерланд	RU	Ресей	US	Құрама Штаттары		
CA	Канада	CZ	Чех Республикасы	IT	Италия	MM	Мянма	PH	Филиппин	TH	Тайланд	VN	Вьетнам		
		DE	Германия	GR	Грекия										

ӘДІСТЕМЕ

Freedom Holding Corp.
Қазақстандағы өңдеуші
салалар бойынша PMI®
250 жуық өндіруші
компанияның сату жөніндегі
менеджерлеріне жіберген
сауалнамаға берілген
жауаптар негізінде S&P Global
әзірлеген.

Бұл панел ЖІӨ-дегі үлесіне қарай нақты салалар мен компанияның жұмыс күшінің ауқымы бойынша жіктелген. Дерек жинау 2019 ж. наурыз айынан басталды.

Сауалнама жауаптары әр айдың екінші жартысында жиналады және оның алдындағы аймен салыстырғандағы өзгеріс бағытын көрсетеді. Таралу индексі әр сауалнама айнымалысы үшін есептеледі. Индекс - «жоғары» жауаптар пайызының қосындысы және «өзгермеген» жауаптар пайызының жартысы. Индекс 0 мен 100 аралығында


құбылады, 50-ден жоғары мән алдыңғы аймен салыстырғандағы жалпы өсімді, 50-ден төмен жалпы қысқаруды білдіреді. Индекс маусымға қарай түзетіліп отырады.

Негізгі көрсеткіш - Сату жөніндегі менеджерлер индексі™ (PMI). PMI - келесі бес индекстің орташа есептелген мәні. Жаңа тапсырыстар (30%), Өндіріс (25%), Жұмыспен қамту (20%), Жеткізіп беру уақыты (15%) және Сатылым қоры (10%). Жеткізіп беру уақыты бойынша PMI есептеу үшін өзге индекстермен салыстырмалы бағытта қозғалатындай етіп алмастырылады.

Базалық сауалнама деректері жарияланған соң қайта қаралмайды, бірақ маусымдық түзету факторлары қажет кезде қайта қаралуы мүмкін, бұл маусымға орай түзетілген кейбір деректерге ықпал етеді.

PMI сауалнама әдістемесі туралы толық ақпарат алу economics@spglobal.com поштасына жазыңыз.

Индекс түсіндірмесі
Индекс, маус. түзету, >50 = өткен аймен салыстырғанда өскен (айма-ай өскен)



Дереккөз: Freedom Holding Corp., S&P Global PMI. ©2025 S&P Global.

Белгі (мәні)

- | | |
|--------------------------------------|--------------------------------------|
| 1 Өзгеріссіз кезеңнен кейін өсім бар | 6 Өзгеріссіз кезеңнен кейін құлдырау |
| 2 Өсім бар, жедел қарқынмен | 7 Құлдырау, жедел қарқынмен |
| 3 Өсім, ұқсас қарқынмен | 8 Құлдырау, ұқсас қарқынмен |
| 4 Өсім, баяу қарқынмен | 9 Құлдырау, баяу қарқынмен |
| 5 Өсім бар, өзгеріссіз қалған | 10 Құлдыраудан соң, өзгеріссіз |

Сауалнама ауқымы

250 өндіруші

Сауалнама тарихы

2019 ж. наурыз айы

Сауалнама сұрақтары

Өндіріс, жаңа тапсырыстар, жаңа экспорттық тапсырыстар, болашақ өндіріс, жұмыспен қамту, орындалмаған жұмыс, қоймадағы дайын тауарлар, сатылым саны, жеткізіп беру уақыты, сатылым қоры, ресурс бағасы, дайын өнім бағасы

Қамтылған секторлар

Халықаралық стандартты салалық жіктеу (ISIC) коды.

- 10 Азық-түлік
- 11 Сусындар
- 12 Темекі өнімдері
- 13 Текстиль
- 14 Киім-кешек
- 15 Былғары және тері өнімдері
- 16 Ағаш және ағаш өнімдері
- 17 Қағаз және қағаз өнімдері
- 18 Баспа ісі және таспаға жазылған материалдарды көбейту
- 19 Көмір және мұнайдан өңделген өнімдер
- 20 Химия және химия өнімдері

- 21 Фармацевтика өнімдері
- 22 Резеңке және пластик өнімдері
- 23 Басқа да бейметалл минерал өнімдер
- 24 Негізгі металдар
- 25 Өңделген металл өнімдер
- 26 Компьютер, электроника және оптикалық өнімдер
- 27 Электр жабдықтары
- 28 Машина және басқа салаларға жатпайтын жабдықтар
- 29 Көлік құралдары, жүк көліктері, тіркемелер
- 30 Транспорттың өзге бөлшектері
- 31 Фурнитура
- 32 Өзге де өндіріс
- 33 Машиналар мен жабдықтарды орнату және өңдеу

ҚОСЫМША АҚПАРАТ

Freedom Holding Corp.

Freedom Holding Corp. әртараптандырылған қаржылық қызмет көрсететін компания, брокерлік қызметпен, бағалы қағаздар саудасымен, инвестициялық зерттеулермен және консультация берумен, инвестициялық банктік және андеррайтингтік қызметтермен, ипотекамен, сақтандырумен, телекоммуникациямен, әуе билеттері мен мәдени және спорттық іс-шараларға билеттерді онлайн сатумен айналысады, онлайн супермаркет қызметтерін және басқаларын ұсынады.

Freedom Holding Corp. компаниясының еншілес компанияларын ескере отырып, 7,5 мыңнан астам қызметкері бар.

Холдингтің бөлімшелері мен еншілес компаниялары Қазақстан, АҚШ, Кипр, Польша, Испания, Өзбекстан, Әзірбайжан және басқаларын қоса алғанда 22 елде орналасқан.

Freedom Holding Corp. компаниясының жай акциялары АҚШ-тың Бағалы қағаздар және биржалар жөніндегі комиссиясында тіркелген және Nasdaq Capital Market-те FRHC тикерімен саудаланады.

www.freedomholdingcorp.com

S&P Global

Негізгі ақпаратты жеткізуші S&P Global (NYSE: SPGI). Үкімет, компаниялар және жеке тұлғалар сенімді шешім қабылдауы үшін, біз оларға қажет нақты деректер, тәжірибе және жүйеленген технология ұсынамыз. Клиенттердің жаңа инвестицияларды бағалауына көмектесіп, оларға ESG мәселесі бойынша кеңес беріп, жеткізу тізбегіндегі энергияның жаңа көзіне ауысуына ықпал ету арқылы біз жаңа мүмкіндіктер ашамыз, мәселелерді шешіп, бүкіл әлемдік прогресті тездетеміз.

Әлемдегі көптеген жетекші компаниялар кредит рейтингін жасау, мақсатты көрсеткіштер, әлемдік капитал, шикізат және автокөлік нарығындағы еңбек ағынын басқару әрі талдау мақсатында бізге жүгінеді. Әр ұсыныс арқылы біз әлемдегі жетекші ұйымдардың болашағын бүгін болжуына көмектесеміз.

www.spglobal.com

S&P Global ұсынған PMI

Сату менеджерлері индексі™ (PMI®) сауалнамалары қазір 40 астам мемлекетте, оған Еуроаймақты қоса отырып, маңызды өңірлерде жүргізіледі. Бұл аса мұқият зерделенетін әлемдік бизнес сауалнама, ол уақтылы, дәл және әдетте ай сайынғы экономикалық трендтердің айрықша индикаторы болатын деректерді ұсынатындықтан, орталық банктер, қаржы нарықтары, бизнестегі шешім қабылдаушы тұлғалар арасында танымал.

www.spglobal.com/marketintelligence/en/mi/products/pmi

Байланысушы тұлға

Ерлан Әдбікәрімов
Қаржылық талдау
департаментінің директоры,
Freedom Finance Global PLC
Yerlan.abdikarimov@ffin.kz
Freedom Holding Corp.

Қоғаммен байланыс
департаменті
Freedom Finance Global PLC
pr@ffin.kz
Freedom Holding Corp.

Эндрю Харкер
Экономика жөніндегі директор
S&P Global Market Intelligence
T: +44 (0) 1491 461 016
andrew.harker@spglobal.com

Корпоративті коммуникация
жөніндегі маман
S&P Global Market Intelligence
press.mi@spglobal.com

Ескерту

Осы құжаттағы мәліметтердің зияткерлік меншігі не лицензиясы S&P Global және/немесе оның еншілес компанияларына тиесілі. S&P Global алдын-ала жазбаша мақұлдасас деректі кез-келген түрде рұқсатсыз қолдану, оның ішінде есепсіз көшіру не басқаша пайдалануға тиым салынады. S&P Global осы құжатта баяндалған мазмұн немесе ақпарат («Деректер»), Деректердегі кез келген қателік, шатасу, олқылық немесе кідірістерге қатысты және соларға сүйеніп жасалған әрекеттерге қатысты ешқандай жауапкершілік, міндеттеме немесе жүктеме алмайды. S&P Global Деректі қолданудан туған кез-келген арнайы, кездейсоқ немесе жанама шығындар үшін жауап бермейді. Сату менеджерлерінің индексі™ және PMI® сауда белгісі - S&P Global Inc тіркеген немесе S&P Global Inc және оның еншілестері лицензиялған сауда белгісі.

Бұл контентті S&P Global Ratings емес S&P Global Market Intelligence жариялады және алдыңғы аталған ұйым S&P Global құрамындағы жеке құрылым. Тиісті тараптан алдын-ала жазбаша рұқсат алмаған жағдайда рейтингді қоса («Контент») ақпаратты, дерек пен материалды көшіріп басуға тиім салынады. Сол тарап, оның еншілестері мен жеткізушілері («Контент жеткізушілер») кез-келген Контенттің нақтылығы, адекваттылығы, толыққандылығы, уақтылы болуы, оған қол жеткізілуіне кепілдік бермейді және (салғырттық немесе басқа) себебіне қарамастан кез-келген қателік немесе мүлт кетуге, осындай Контентті қолданудан туған нәтижеге жауап бермейді. Контент ұсынушылар ақпаратты кез-келген қолданудан туындаған (кірісті немесе пайданы жоғалту және балама шығындарды қоса алғанда) кез келген залал, шығын, зиян, сот алымдары немесе қаржылай шығыстар үшін жауапкершілік алмайды.